

§. 10. Alia habet comitem febrim continuam, quemadmodum est exquisita & vera, alia est absque febrili incendio, ut nonnunquam notha. *Massaria* (2).

§. 11. Alia oritur per se, nullo præcedente alio affectu, alia morbos sequitur: ita anginae dysenteriae succedentis mentionem facit *Wilhelmus Fabricius Hildanus* (a).

§. 12. Nec silentii sipario involvenda pestilentialis, maligna & epidemia. *Joannes Wierus* (b) hujus farinae anginarum meminit, quæ anno 1564. & 1565. grassatae sunt in quibusdam Germaniæ inferioris locis, quarum tanta fuit atrocitas, ut intra unicum nonnunquam diem strangularint: quæ verò octidui periodum excefferunt, plerumque meliorem, quam tridua, vel quatrindua, eventum fuerunt adeptæ. Ubi & hoc imprimis notandum, quod, *referente eodem*, in istâ pestilenti & epidemiâ anginâ pueri, quorum ætas aliàs maximè hujus ægritudinis erat particeps, provectioribus minus periclitati fuerint, & quod ii propè citius reliquis evaserint, qui decubitum in lecto neglexerunt: rationem dat hanc *prælaudatus Autor*, quod horum reluctatio fortassis minus concepti veneni, aut naturæ robustas vires arguat: aliorum autem obsequium impotentiam ex veneno severius eam ætatem infestante, denotet. Huc pertinet & maligna pestiferaque à *Foresto* (c) consignata, ut & *Hippocratica* illa. (d)

(a) *observ. chirurg. cent. 3. obs. 27.*  
(b) *lib. med. observat. rarar. p. 53. & seqq.*  
(c) *6. observ. 2. schol.*  
(d) *6. Epid. sect. 7. 1. 1.*

## CAPUT VII.

**S**IGNA DIAGNOSTICA sunt 1. *Pathognomonica*, quæ affectum semper comitantur, & ab eo separari nequeunt. 2. *Signa Differentiarum*. 3. *Signa causarum & humorum*. 4. *Supervenientia & communia*, quæ neque morbi speciem, neque ejus conditionem significant, sed mutationem illius solum indicant.

§. 1.